

## ALEMANA

### OINARRIZKO MAILA 2: HELBURUAK ETA EDUKIAK

#### HELBURUAK

##### **Zeintzuk dira Oinarrizko Maila 2eko helburu orokorrak?**

Oinarrizko Maila2 amaitutakoan ikaslea gai izango da

- **Ulertzeko** eguneroko bizitzako gaiei buruzko elkarrizketa sinpleak, solaskideen laguntzaz betiere.
- **Identifikatzeko** elkarrizketa baten gaia.
- **Ulertzeko** transakzio errazetako esaldi eta esamoldeak (banketxeetan, geltokietan, dendetan).
- **Ulertzeko** ideia orokorra iragarki edota mezu publiko labur eta sinpleetan (saltoki handietan, aireportuan).
- **Ulertzeko** oinarrizko informazioa telebistako albisteetan, irudien laguntzaz betiere.
- **Ulertzeko** eguneroko bizitzako gai eta egoerei buruzko ohar eta mezu sinpleak (SMSak, mezu elektronikoak, postalak).
- **Ulertzeko** gutun pertsonal labur eta sinpleak.
- **Ulertzeko** eguneroko gaiei buruzko gutun formal laburrak (hoteleko erreserbak, atzerriko ikastaro bati buruzko argibideak...)
- **Ulertzeko** eguneroko argibide eta jarraibideak (errezetak, tresna baten funtzionamendua, joko baten arauak, Kaleetako eta dendetako idazkunak)
  
- **Aurkitzeko** eta ulertzeko informazio espezifikoak liburuxka ilustratuetan eta bestelako material informatiboetan (menuak, zerrendak, ordutegiak, kultura eta kirol jarduerak)
- **Identifikatzeko** informazio esanguratsua egunkarietako testu labur eta errazetan.
- **Ulertzeko** narrazio edo kontakizun labur eta errazak.
- **Idazteko** ohar edota mezu sinpleak, eguneroko jarduera eta egoerekin loturiko informazioa, argibideak eta jarraibideak emanez.
- **Idazteko** gutun pertsonal sinpleak eskerrak emanez, barkamena eskatuz edo norberari buruz edo ingurukoari buruz hitz eginez (familia, bizitza baldintzak, lana, lagunak, zaletasunak...).
- **Idazteko** gutun formal labur eta sinpleak, informazioa edo zerbitzuren bat eskatuz.
- **Deskribatzeko** esaldi errazen bidez gertakari bat (jai bat, istripu bat...), zer, noiz eta non izan den adieraziz.
- **Koherentzia emateko** testuari, kausa eta denbora ordenamendurako hitz eta egitura garrantzitsuenak erabiliz.
- **Deskribatzeko** bere egoera pertsonala modu sinplean (bizitokia, familia, ikasketak, lana, zaletasunak).
- **Deskribatzeko** modu erraz eta egituratuan iraganeko bizipen pertsonalak.
- **Burutzeko** hartu-eman sozialak (agurtu, barkamena eskatu, norbait gonbidatu).
- **Moldatzeko** eguneroko transakzio eta gestio errazetan (banketxeetan, bidai agentzietan, dendetan).
- **Eman eta jasotzeko** informazio konkretua (esaterako, nola heldu leku batera).
- **Parte hartzeko** eguneroko egoera eta jarduerari buruzko elkarrizketetan (lana, aisialdia...) informazio konkretua trukatzuz, eskaintzak eta iradokizunak eginez.
- **Akordioetara heltzeko** ohiko egoeretan (hitzordu pertsonaletan etab.) eta formalagoetan (mediku kontsultetan etab.).

### Zer funtzio linguistiko ikasi behar dira?

#### 1. Informazio orokorra eman eta eskatu:

- Hitz egin klimari buruz.
- Kontatu iraganeko ekintza edo gertakari bat, eta hari buruz galdetu.
- Nork bere burua zuzendu eta zalantza egin.
- Azalpenetan, gauzak banan-banan aipatu.
- Oraina eta iragana alderatu.
- Laburpenak egin (filmak, liburuak...).
- Definizioak eman.
- Ezjakintasuna edo ezagutza adierazi gertakari baten aurrean.
- Aurreikuspenak eta iragarpenak egin.
- Planei eta proiektuei buruz aritu.
- Helburuak finkatu (asmoak eta promesak).
- Hipotesiak formulatu gertakari, pertsona, gauza edo ekintzei buruz.
- Denborazko sekuentzia adierazi.
- Hitza eskatu, eman, kendu eta besteei hitz egiten utzi.

#### 2. Jarrerak eta iritziak adierazi eta baloratu:

- Gustuei buruzko informazioa eskatu eta eman
- Ezjakintasuna edo ezagutza adierazi.
- Osasunari buruzko eta sentipen edo egoera fisikoari buruzko informazioa eskatu eta eman: hotza edo beroa, gosea edo egarria, logura, zaporea, ongizatea edo ondoeza.
- Barkamena eskatu eta barkatu.
- Zalantza adierazi.
- Interesa edo interesik eza adierazi.
- Adostasuna edo ezadostasuna adierazi.
- Proposamen edo ideia baten alde edo kontra agertu.
- Lehentasunak adierazi.
- Hautua adierazi.
- Axola-gabezia adierazi.
- Harridura eta txundidura adierazi.
- Errukia adierazi.
- Nahia adierazi.
- Ohiko gogo-aldarte eta berauen arrazoiei buruzko informazioa eskatu eta eman: asperdura, gogobetetasuna edo nahigabea, mirespina, interesa, estimua, poza, etab.

#### 3. Limurtzea, konbentzitzea:

- Laguntza eskatu eta eskaini.
- Zerbait egiteko baimena eskatu, eman edo ukatu.
- Laguntza eskaini, eskatu, onartu edo errefusatu.
- Zerbait egitera animatu norbait.
- Lankidetzak eskatu.
- Zerbait egiteko asmo, gogo edo erabakiaren berri eskatu eta eman.
- Betebehar pertsonalak adierazi.
- Aholkuak eskatu eta eman.
- Sorospina eskatu.
- Debekuak adierazi.
- Jarduerak iradoki eta iradokizunen aurrean erreakzionatu.
- Hitzordua adostu, elkartzeko geratu.
- Aitzakiak eta desenkusak adierazi, onartu eta errefusatu, arrazoiak azalduz.
- Oinarrizko telefono-elkarrizketak mantendu (agurtu, komunikazioa abiatu, norbaitez galdetu, solaskideari itxaroteko eskatu, entzuten edo ulertzen den ziurtatu).
- Norbait animatu jarraitzera.

#### 4. Sozializatzea:

- Informazio edo kontakizun baten aurrean, interesa, harridura, ezustekoa, poza, tristura agertzea.
- Mezu bat ulertu dela egiaztatzea.

## **Zein motatako testuak irakurtzen dira?**

- Gutun pertsonalak.
- Aginduak eta jarraibideak:errezetak, tresnak erabiltzeko jarraibideak, leku batera joateko argibideak.
- Mezuak.
- Posta elektronikoa.
- Curriculum vitae.
- Panelak eta oharak.
- Ordutegiak eta egutegiak.
- Informazio idazkunak, erregulazioak.
- Menuak eta kartak.
- Planoak eta kale izendegiak.
- Formularioak eta galdeketak.
- Propaganda eta publizitate esku-paperak.
- Aldizkari eta egunkarietako artikulua errazak.
- Komikiak, tebeoak eta binetak.
- Horoskopoak.
- Turismo,bidaia eta aisialdirako gidak.
- Publizitate testuak.
- Web orrialdeak.
- Oraingo eta iraganeko gertakariei buruzko narrazio eta deskribapenak.
- Egokituriko eleberriak.

## **Nolako testuak entzuten dira?**

- Lagunarteko elkarrizketak, lagunekin, senitartekoekin, lankideekin..
- Elkarrizketak banketxeetan, dendetan, agentzietan...
- Telefono elkarrizketak
- Erantzungailu automatikoaren mezuak
- Lan elkarrizketak
- Telebista eta irratiko informazioa
- Iragarki publikoak, publizitate iragarkiak...
- Albiste laburrak.
- Eguraldi iragarpenak.

## **Nolako testuak idazten dira?**

- Gutun pertsonalak
- Gutun formal edo komertzial sinpleak.
- Mezuak.
- Posta elektronikoa.
- Curriculum vitae.
- Panelak eta oharak.
- Informazio idazkunak, erregulazioak.
- Formularioak eta galdeketak.
- Oraingo eta iraganeko gertakariei buruzko narrazio eta deskribapenak

## **Zer gai jorratzen dira?**

- Identifikazio pertsonala.
- Etxebizitza, etxea, hiria eta ingurua.
- Eguneroko bizitzako jarduerak.
- Aisialdia.
- Bidaia.
- Giza harremanak eta harreman sozialak.
- Osasuna eta zainketa fisikoak.
- Hezkuntza.
- Erosketak eta merkataritza jarduerak.
- Elikadura.
- Ondasunak eta zerbitzuak.
- Hizkuntza eta komunikazioa.
- Klima, baldintza atmosferikoak eta ingurumena.
- Zientzia eta teknologia

## **Zein hiztegi ikasten da?**

### **Identifikazio pertsonala.**

- Pertsonen izaera, trebetasunak eta deskribapen fisikoari loturiko oinarritzko lexikoa.
- Jantzera eta osagarriei loturiko lexikoa.

### **Etxebizitza, etxea, hiria eta ingurua.**

- Etxebizitza: motak, kokapena, atalak eta banaketa.
- Altzariak, aparailuak eta tresnak.
- Hiria: kokapena, kaleak, eraikinak, berdeguneak eta monumentuak.
- Ikasiko den hizkuntzaren herriaren banaketa territoriala.

### **Eguneroko bizitzako jarduerak.**

- Denbora tarteei loturiko lexikoa: urteak, hilak, asteak, egunak, egunaren atalak, eta ordua.
- Etxeko, laneko edo ikastetxeetako jarduerari loturiko oinarritzko lexikoa.

### **Aisialdia.**

- Jarduerari loturiko lexikoa: kirolak, kultur jarduerak...
- Aisiguneak: antzokiak, museoak, hondartza...

### **Bidaiak.**

- Turismo eta emigrazioari loturiko lexikoa.
- Garraiobideak.
- Herrien izenak.

### **Giza harremanak eta harreman pertsonalak.**

- Familia bateko partaideen izenak.
- Adiskidetasun, sentimendu eta maitasunari loturiko lexikoa.
- Lan munduari loturiko lexikoa.

### **Osasuna eta zainketa fisikoak.**

- Gorputz atalak.
- Gaixotasunak eta sintomak.
- Osasun munduari loturiko lexikoa.

### **Hezkuntza.**

- Hezkuntzari loturiko lexikoa: ikastetxeak, ikasgaiak, kalifikazioak, ziurtagiriak...
- Eskolako material eta jarduerari loturiko lexikoa.

### **Erosketak eta merkataritza jarduerak.**

- Erabilera pertsonaleko ohiko tresnen izenak.
- Merkataritza guneak eta dendak.
- Prezioak, txanponak, ordainketa moduak...

### **Elikadura.**

- Jatorduen izenak.
- Elikagai eta ontzi motei loturiko lexikoa.
- Janariarekin zerikusia duten tresnen izenak.
- Kantitateak, pisuak eta neurriak.

### **Ondasunak eta zerbitzuak.**

- Zerbitzu publiko eta pribatuak: udaletxea, postetxea, liburutegia, kultur guneak...

### **Hizkuntza eta komunikazioa**

- Hizkuntzaren irakaskuntzari loturiko oinarritzko lexikoa.
- Munduko hizkuntza ezberdinak.
- Hedabideak: telebista, irratia...

**Klima, baldintza atmosferikoak eta ingurumena.**

- Fenomeno atmosferiko eta klimatikoak.
- Urtaroak
- Elementu geografikoak

**Zientzia eta teknologia**

- Telefonoari loturiko lexikoa.
- Ordenagailu, Internet eta beste hedabide batzuei loturiko lexikoa.

**Alemanez mintzatzen diren lurraldeetako kulturaz zer ikasiko da?****Identifikazio pertsonala.**

- Izen eta abizen ohikoenak.

**Etxebizitza, etxea, hiria eta ingurua.**

- Etxebizitza mota ohikoenak.
- Oinarrizko ezaugarri geografikoa.

**Eguneroko jarduerak**

- Lan baldintzak eta lan bilaketa.
- Gizartearen ezaugarriak.

**Aisialdia**

- Aisialdiko jarduera ohikoenak.
- Erreferente artistiko eta kulturalak.
- Ospakizun esanguratsuenak.

**Giza harremanak eta harreman sozialak**

- Familia bizitzako usadio eta ohiturak.
- Familia egitura.

**Elikadura**

- Elikadura ohiturak eta gastronomia.
- Ospakizun jakin batzuetako janari tipikoak.

**Zientzia eta teknologia**

- Informazio eta komunikazioko teknologia berrien presentzia.

**Zer gramatika-egitura ikasten dira?**

Fonologia, ortografia eta gramatika-gaitasun linguistikoak bitarteko bat dira komunikatzen laguntzeko, guztiak biltzen dituen komunikazio-gaitasun linguistikoa lortzeko. Gaitasun hauek, berauek parte hartzen duten atazak burutuz geureganatzen ditugu.

**Testu gaitasuna**

Testuak (idatziak zein ahozkoak) ulertzeko eta ekoizteko xedez, testuaren ezaugarriak ezagutu eta kontuan hartu beharko dira:

**Egokitzapena**

- Komunikazio asmoa.
- Testuingurua eta egoera.
- Hizkuntza erregistroa eta maila.
- Testu motak.

**Koherentzia**

- Edukiaren egituraketa.
- Ideia nagusiak eta bigarren maiakoak.
- Lexiko hautaketa eta hizkuntza funtzioak.

## Kohesioa

- o Prosodia eta ortografia elementuak (intonazioa eta puntuazioa).
- o Anafora elementuak (izenordainak, izenen elipsia, sinonimia, semantika multzoak...).
- o Testu antolatzaile eta lokailuak:
  - Espazio antolatzaileak
  - Denbora antolatzaileak
  - Esaldi koordinatu eta menpekoen arteko lokailuak.
  - Esaldi eta paragrafoen arteko lotura eta logika antolatzaileak.
  - Ahozko diskurtsoa bideratzeko edo mantentzeko lokailu eta antolatzaileak.

## Gramatika gaitasuna

### a) Perpausa

#### Perpaus konposatua

##### Menpekoak

- o dass perpausak (konpletiboak) (*Ich hoffe, dass er heute pünktlich kommt*).
  - o Kontzesiboak: obwohl (*Obwohl Peter krank ist, geht er nicht zum Arzt*).
  - o Baldintzazkoak: wenn ..., (dann) ...(*Wenn das Wetter schön ist, (dann) machen wir einen Ausflug*)
  - o Kausazkoak: weil (*Ich lerne Deutsch, weil ich eine deutsche Freundin habe*).
  - o Helburuzkoak: damit, um ...zu ... (*Jochen kauft sich einen Computer, um Spiele zu machen. Jochen kauft einen Computer, damit seine Kinder spielen können*).
  - o Ondoriozkoak: so ..., dass... (*Es ist so spät, dass wir nicht mehr ins Kino gehen können*).
  - o Denborazkoak.
- Aldiberekotasuna: als, wenn (*Als ich Student war, lebte ich in Hamburg. / Wenn du nach Köln kommst, kannst du mich besuchen*).
  - Aurrekotasuna: nachdem (*Nachdem wir gegessen hatten, tranken wir Kaffee*).
  - Gerokotasuna: bevor (*Bevor ich ins Bett gehe, putze ich mir die Zähne*).

### b) Izena:

- o **Kasua: genitiboa** (*Das Auto des Vaters / Der Hund meiner Mutter*).
  - o **Gunearen aldaketa**.
- **Aposizioa** (*Klaus, der Freund von Anna, ist sehr nett / Kennen Sie Herrn Müller, den neuen Chef?*).

### c) Adjektiboa.

- o Gradua: positiboa, konparatiboa eta superlatiboa (*jung, jünger, am jüngsten*).
  - o Kasuak:
- nominatiboa (*der schöne Bus, ein schöner Bus, schöner Bus ...*)
  - akusatiboa (*den schönen Bus, einen schönen Bus, schönen Bus ...*)
  - datiboa (*dem schönen Bus, einem schönen Bus, schönem Bus ...*)
  - genitiboa (*des schönen Busses, eines schönen Busses, schönen Busses, ...*).
  - o Gunearen aldaketa SAdb. eta SPrep bidez (*ein sehr schönes Auto. / Das Auto von meiner lieben Mutter*).

### d) Izenordaina:

- o Izenordain motak:
  - bihurkariak (OI) (*mir, dir, sich, uns, euch, sich*)
- elkarkariak
- erlatibozkoak (*der, das, die, ...*).

#### e) Aditza.

o Aldia:

- Lehenaldia adieraztea: lehenaldi sinplea (*er machte; er fuhr; ...*) eta indik. burutu-burutua (*er hatte gemacht; er war gefahren; ...*).
- Geroaldia adieraztea: werden orainaldia +Inf. (*ich werde gehen, ...*).

o Modua.

- Faktualitatea (lehenaldi sinplea) (*Gestern konnte ich nicht ins Kino gehen, weil ich lange arbeiten musste.*)
- Beharra (lehenaldi sinplea) (*In Köln fühlte sich Eva nicht wohl. Sie musste einfach weggehen.*)
- Aholkua edo gomendioa (*„Sie sind krank. Sie sollten zum Arzt gehen.“*)
- Gaitasuna (lehenaldi sinplea) (*Als ich 10 war, konnte ich kein Deutsch sprechen.*)
- Baimena (lehenaldi sinplea) (*Als ich 16 wurde, durfte ich Bier trinken.*)
- Ahalmena (lehenaldi sinplea) (*Ich konnte kein Taxi finden, weil es stark regnete.*)
- Debekua (lehenaldi sinplea) (*Als ich 12 war, durfte ich abends nicht ausgehen.*)
- Asmoa (lehenaldi sinplea) (*In Köln fühlte sich Eva nicht wohl. So wollte sie nicht weiter leben*)
  - o Aktiboa eta pasiboa (*Wir essen einen Apfel. Der Apfel wird gegessen./ Wir aßen einen Apfel. Der Apfel wurde gegessen.*).

#### f) Adberbioa.

- o Motak: kausa (*deshalb, ...*) eta preposiziozkoak (*damit, daran, ...*).
- o Gradu positiboa, konparatiboa eta superlatiboa (*gern, lieber, am liebsten*).
- o Adberbio lokuzioak (*auf keinen Fall/ eines Tages ...*).

#### g) Preposizioa

- o Aditzekin doazen preposizioak (*sich interessieren für, warten auf, ...*)

## Nola ikasten da?

Ikasturte honen helburua, ikasleak hizkuntza eraginkorki **erabiltzea** da. Horrenbestez, gelako zein autoikaskuntza jarduerak aintzat hartu behar dute ikasleak komunikazio egoera errealei aurre egin beharko diela; hau da, ulermen, ekoizpen, elkarrekintza eta bitartekaritza egoerei. Ikasleak **hizkuntza erabiltzeko gaitasuna** gara dezan eta modu autonomoan ikas dezan estrategia ezberdinak landu beharko dira.

#### Ulermen estrategiak

- o Hipotesiak eratztea, nor bere ezagutzetan oinarrituta eta formatua eta irudiak kontuan hartuta.
- o Hotsak bereiztea eta bakoitzari zein grafia dagokion jakitea, edo alderantziz.
- o Ahozko hizkuntzaren ezaugarriak jakitea (doinua, erritmoa, etenaldiak, ahots modulazioa); hiztunaren asmoa ulertzen laguntzen dutenak, alegia.
- o Ahozko hizkuntzan elementu paralinguistikoei (keinuak, jarrerak...) erreparatzea eta haiek zein diren jakitea.
- o Hizkuntzaren berezko eduki eta arau kulturaleri erreparatzea eta haiek zein diren jakitea.
- o Hitz ezezagunen esanahia identifikatzea, alderdi hauetan oinarrituta: norberaren ezagutzak, testuaren edo esaldiaren zentzu orokorra, egoera, testuingurua, beste hizkuntza batzuen ezagutza, eta gako gramatikal eta lexikoak.
- o Estrategia pertsonalak erabiltzea: gako-hitzak azpimarratzea edo idaztea, hitz zerrendak egitea, lokailu zerrendak egitea, etab.
- o Hiztegia erabiltzea, hitz ezezagunen esanahiari buruzko hipotesiak egin ondoren.

#### Adierazpen estrategiak

- o Ereduei erreparatuta, hotsak, doinu jarraibideak eta grafia jarraibideak kopiatzea.
- o Ahozko eta testu idatziak ekoiztea, ikasitako egitura linguistikoak konbinatuz.

- Estrategia konpentsatzaileak erabiltzea: adibidez, parafraseatzea, nork bere hizkuntzako hitzak erabiltzea, zernahitarako elementuak, sinonimoak, etab.
- Solaskideek emandako seinaleen bidez (okerrik gabe errepikatzea, keinuak...) norbera zuzen ala oker ari den aztertzea eta auto-ebaluatzea, okerrak zuzentzeko eta konfiantza handiagoa hartzeko.

#### **Elkarrekintzarako estrategiak**

- Maiz erabiltzen diren esaldi estandarizatuak ahoz nahiz idatziz erabiltzea (zorionak eman, agurtu, zortea opa izan...)
- Jaramon egitea eta solaskidearen jokabideari erreparatzea, hark esandakoa hobeto ulertzeko.
- Isilunerik ez egoteko edo komunikazioan okerrik ez egiteko estrategia konpentsatzaileak erabiltzea: laguntza eskatu, errepikatzeko eskatu, zerbait argitzeko eskatu, hitzekoa ez den hizkuntza erabili, gaia aldatu, esamoldeak erabili pentsatzeko astia hartzeko...
- Mezua ulertu dela egiaztatzea; solaskideari zuzentzeko eskatu, izan daitezkeen txarto ulertuak argitu.

#### **Auto-ikaskuntza estrategiak**

- Baliabide pertsonalak (testu liburua, hiztegi pertsonala, oharrak, etab.) aurkitzea eta eraginkorki erabiltzea, bai eskolan daudenak (liburutegia, baliabideen gela, etab.), bai eskolatik kanpokoak (Internet, prentsa, irratia, satelite bidezko telebista).
- Lexikoa, gramatika, etab. ikasteko oinarriko estrategiak identifikatzea eta ikasitako hizkuntza azkar eta maiz erabiltzea.
- Errazago edo gehiago ikasteko, estrategia hauek erabiltzea: konpentsatzaileak (parafraseatzea, mimika erabiltzea, etab.), afektiboak (hutsegiteak direla-eta, nork bere buruan konfiantza izatea, lan bat egiten ausartzea), eta sozialak (ikaskideekin lan egitea, jatorrizko hitzuneekin trukea egitea, etab.)
- Ikasketa eta lan teknikak garatzeko, estrategia hauek erabiltzea: memorizazio estrategiak (buruko loturak sortzea, mapa semantikoak...), estrategia kognitiboak (aztertzea, ondorioztatzea, arrazoitzea...) eta estrategia metakognitiboak (helburuak finkatzea, ezagutza berriak aurrekoekin lotzea...)
- IKTen bidezko komunikazio egoeretan parte hartzea (eskuko telefonoko mezuak, txatak, mezu elektronikoak...)
- Okerrik ohikoenak hautematea eta zergatik egiten diren aztertzea.
- Okerrak hizkuntza ikasteko prozesuan ezinbestekoak direla onartzea.